

有菩薩如是解了吾我所有皆因緣故若有聞是曉了十二緣起本末信樂不疑諸如來所成其根源不久受決得無所從生法忍以受決不久皆於諸如來所使得道決當遠如來無上正真之道爲最正覺

持人菩薩所問經卷第三 方三
西晉三藏法師竺法護譯

三十七品第八

佛告持人何謂菩薩曉了意止若有菩薩分別觀察行四意止何謂四意止自觀其身痛癢想法亦復如是何謂自觀身痛癢想法於

一 仇

持人菩薩所問經卷第二 方二
琦珍上音奇珍也 撕塗同撕塗反 網縵下莫 幕下莫
峻半反高峻也 蔽必禁反 帳莫
疾半反 恍惚上只往反 紗莫
垣足我反 粗才古反 瞠音晃曜上胡廣反
養感音倉歷反 瘡癩上音瘡癩反 癢痒同
樂許序反 漬音讀下死白反 開開字 忻

沈茂敬書

華亭縣界奉佛信芳鑒方刊方宇函持世經于卷情旨刊于第一卷

陰何謂積聚何謂盛陰皆宿世緣有是盛陰由本倚慕虛偽覆之沐浴文飾謂是我身由是積聚結存盛陰何謂盛陰從因緣起而報應成從造行轉因于四大計身本末非真之有受于四大而成色陰因得假託所以名曰身者何已自造作故故曰爲身心以依之故

曰爲身罪福所爲故曰爲身從思想生不肖可賤與行業合故曰爲身從因緣成身適小安便復壞敗不得久長不可常存尋當別離故曰爲身身無內無外亦無中間雖立迫惱身不知身亦不可見不爲解明不得度岸無有思想猶如草木瓦石之類身不成身以作是觀以立解達則不貪身無所慕樂知身爲患身無過去當來現在非身是身身如聚沫澡浴文飾是身如宅八十種是身迫惱無數百病是身無救三苦困厄所云苦者生死之患別離之難是身苦器受諸危厄以作是觀思惟順義則不貪身不慕他人無所志樂是身無我惟有利身無所有悉無有實是身以空自然虛無至無真正虛偽立耳結在無益從本行成雖有是身則非我身當興專精慕求不貪已能觀察已身壽命不得合散不見徃返住立處所不覩過去當來現在無想不想悉無所著不倚身命身非我有亦無

我所則無所受不合不散無所從來令心惱熱不知所趣計身本末無所起生住立滅盡菩薩觀身如是無身已了身虛若身欲盛輒自消滅身意則止立存順行如義觀身便無有身佛告持人何謂菩薩觀身痛癢若有善薩察身三痛樂痛苦痛不樂不苦痛計其痛癢不知所趣無去無來惟從虛無因緣合成受罪福報由顛倒興知痛本無因思想立作是觀者不得痛癢無去來今不見處所其過去痛了空無我亦無我所無常堅固悉顛倒法過去痛空擔怕無想當來現在亦復俱然乃知痛癢不得成立無形可獲各自分離其一
菩薩觀身如是從痛因緣得心處所痛會有意必以觀如是從痛因緣得心處所痛會有意必歸滅盡不見痛痒所合聚處心自念言痛癢則空自然無形不見所生痛無所生亦無有

滅無有成想以無有成想已無有相相無所生普觀如是身所痛痒則無所倚解知痛痒真諦本無以斷痛痒離諸入痛不與共合不著痛痒衆行寂然速求方便達三昧定菩薩察行痛痒如是見行以了則觀十方佛告持人何謂菩薩觀心意行若有菩薩觀心念行發意念頃察于心法若存異變以能觀者心自念曰其心未曾有所奔逸無所至到異緣所使遣所湊相心所興發亦不成就亦無形貌悉不可得心無往返立無所處無去來今以因緣現而有所念其心計之無內無外無有中間有所迫惱心無處所無自然矣不可

不清淨心不知心心不斷絕心無有心則曰本淨處在顛倒愚冥凡夫以虛因緣教在諸相心自發念又其彼心空無吾我而計有身存有常長久永安以顛倒法而自投冥觀心如是遠得柔順心意止也心無想念亦無不想曉了其心而無所生無所生想所以者何心無所發不得真際不得其相心相不起明者所解分別達之知心所習所趣歸滅審知如有作是察心不肯合習無滅歸處以不得心若不得心況復所習所歸究竟以是之故心不想滅亦非無想逮心清淨心已清淨不墮塵勞不爲汙染所以者何知除所有心則清淨衆生心亂便染塵勞心淨則淨以能知除心自念言心有塵勞以是之故計衆生行心有所著便爲塵勞心以解明則致清淨已作是觀不得欲塵心不得淨心余乃達了心本清淨菩薩如是觀心意行便通本淨佛告持人何謂菩薩心存在法觀其法行若有

方三

三

成辦心無所斷若有所斷心以名曰若干種變使不計之生相即滅持心無住處心無存處所在已能覺是則無心念亦無所見所以者何又其心空自然無形無有衆生又無所有不得處所無合心者無有散者心無過去無有當來不得中間無能見者心不自然心

菩薩觀一切法不見內法不見外法不處中間有所追惱法無過去當來現在因十二緣而生有之諸法顛倒法無成就又察其法無有內外亦無中間法無合散一切諸法悉無形貌無所有無不有託有音耳一切諸法猶如虛空亦爲幻想生自然本清淨明諸各有

所倚塵勞一切諸法無所覩見察其真實猶如夢中所見覺無所覩一切諸法猶如照影本淨無形亦無名想諸法無思一切諸法如呼聲響從虛無立諸法則無自然之故不可得矣諸法野馬無所有故以能如立觀諸法者愚冥凡夫見若干變則知無法則不用法

於一切法了無所生知歸習盡因法想成自然以離則無有相所以者何無有能成其無相者乃捨相耳諸明達者分別覺了是一切法悉爲本無若有菩薩當作是觀諸法法行以作是行不得諸法亦無所生不起諸法有所住止亦無所滅一切諸法悉滅度相諸相無合無散以見諸法求無所著以作是觀見一切法無往無返不見諸法之所立處所以者何無處非處一切諸法從因緣起處在顛倒輪轉無際無言不言無有二相亦非一相不有小相明者所了而不可得亦非不得所以者何諸法不生亦無所起無造無作不得

方持全

卷三

五

次第

空亦不見身及痛想法則四意斷佛告持人
菩薩若有逮解五根度俗世本順諦察之何
謂爲五根一曰信根二曰精進根三曰意根
四曰定根五曰慧根是爲五根當觀是行云
何觀之信一切法從因緣起立有顛倒虛無
合成展轉不定猶如車輪所遊無際亦如所
夢自然退逝信一切法無常苦空無我非身
疾病瘡痍老不長存不得久在當復別離諸
法不真皆無有實恍惚捨放等於諸根猶如
彩畫如小兒力思想欺戲以爲真實不知虛
詐悉無所有其信根者一切諸法無去來今
無去來亦無所住空無相願無起無行無想
不成戒清定淨慧解度淨知見品淨以能奉
斯信根行者則不廻還篤信爲首建立禁戒
悉無所失不違道業以無所失便順正法住
於篤信無能動搖善惡報應咸來歸護則立
直業而無諛謔斷諸邪見六十二疑不求外
學以爲師主如見日月不用燭火惟歸如來

識知聖衆善具足成立淨禁戒忍辱仁和如
是篤信而不動搖以無能動甚懷義信便具
道法佛告持人何謂菩薩觀精進根云何具
成曉了方便若有菩薩篤道不達以精進故
休息五蓋設值得聞如是景摸深妙經典勤
修奉行夙夜精進不抱怯弱心不忘遠志慕
博聞無量礙法以斷諸蔽不廢精進若心生
念惡不善法以大精進而蠲除之識法已興
建立勤修未曾懈倦無倚精進攝加勤修不
以此行有所違失而不還返所遵偽務曉了
諸法分別如應不戴仰人在於世俗不失精
進以斯進根最有威德以義勤學得号進根
佛告持人何謂菩薩逮得意根云何曉了奉
行意根若有菩薩制止其意順施戒聞具足
梵行究竟戒品清淨之業定意慧解度知見
品淨身口意究竟謙恪建立止意在一切法
令無所生住存殊異而察至行苦習盡道以
除斷斯存立意止方便解達根力覺意一心

定意三昧正受解暢諸法而無相願得不起慧致忍辱聖離欲滅度以得意止具足佛法不行聲聞緣覺地也奉無礙慧心不迷惑以能專精如是像法身口謹慎不失其意不依仰人察如是法最有威德逮得正本是謂曉了逮得意根何謂菩薩逮定意根云何曉了斯定意根若有菩薩以行禪思一心不虛行賢聖業禪心無所著以無逸禪善攝定意明解正等曉了定意無顛倒禪觀定意門以暢不亂入于寂志從三昧起不復定意亦無正受以能慕樂志立道業而以禪思因用自娛不湏仰人禪思正受不隨禪教以逮威德定意一心不貪利養行不憤戾以最威德逮定意根所度無極佛告持人何謂菩薩行智慧根云何曉了逮智慧根若有菩薩滅身所行爲何謂也盡除衆苦常消身行在在行慧普見離欲滅習盡道向無爲門以行慧根皆覩三界一切熾然知三界苦其智慧者不倚三

界察之悉空無想不願心無所生無所復行覩者有爲悉放捨之如救頭然具足佛法專習諸法雖處三界戢滅一切悉放捨者而於三界悉無所慕斷諸所樂捨諸有爲一切染汙愛欲縛結心無所著不慕五樂不著欲界色無色界心抱智慧聖明功勳不可限量猶方持三十七比矣

如江海所行至誠而無崖底曉了諸法則以智慧分別三界悉無所著是最德義奉於智慧所度無極佛言持人何故曰根所曰根者義無能動故曰爲根以無所動無所逸馳故曰爲根永不廻還不依仰人義無伴侶順隨法教故曰爲根不耻他人莫能搖者無所雜錯故曰爲根如是持人斯則菩薩曉了諸根又復持人菩薩分別衆生諸根善學方等知衆生根染不染者有欲無欲根有瞋恚無瞋恚根有愚癡無愚癡根知墮惡趣若生人間根知生天上十方佛前根心明達若柔劣及中間根悉見知之下賤鹿羣諸根不具若不

損根而悉知之諸根應法有方便根無方便根悉復知之有罪無罪根倚著根無著根危害根無害根悉當知之隨順根不隨順根有礙根無礙根欲行根色行根無色行根暢諸善根究竟善根悉能知之所歸趣根仁和根處邪見根立正見根慳貪根無慳惜根悉能

知之卒暴根無卒暴根迷惑根不迷惑根速疾根賢和根忍辱根瞋恚根懷嫉妬根無嫉妬根具施根信根無信根貪欲根離欲根居家根捨家根戒具根毀戒根悉能知之誠戒根無誠戒根清淨根忍具根恚恨根上精進根懈怠根亂心根取要根定意根智慧名根失智慧根具聖明根愚駢根無所畏根自大根離自大根逮得道根從邪見根心安和根放心恣意根悉能知之散意根寂靜根起生根無所生根清淨根瑕穢根解明根顯曜根聲聞根緣覺根菩薩乘根佛乘根皆曉了知以逮得是則謂得力云無等侶無有放逸謂

不廻還致善方便名曰意根知諸天龍神阿湏倫迦留羅真陀羅摩休勸人非人根最爲威尊無能勝者莫能動搖所行方便普度無極奉行勤修如是像典疾遠曉了於一切法而得自在遊十方界無所不濟佛告持人何謂菩薩曉了道乎云何致道耶若有菩薩奉

方
梵文

八

梵文

八聖道一曰正見二曰正念三曰正語四曰正命五曰正業六曰正方便七曰正意八曰正定何謂正見若有菩薩斷除一切諸所邪見所以者何一切所見上至泥洹若欲見佛皆去是等諸所見業乃曰正見以無見不受見成名諸見悉無所倚普無所念以無顛倒無所無想是曰正見所見平等爲何謂也捨世虛妄以棄邪見以如是法除諸所覩住于正見悉無所著無想不想不見泥洹遠諸欲見不習諸見何謂正見一切寂然無生清涼亦無所滅等覩無爲本以清淨於一切法無所希望亦無不想無所不應是曰度世正見

何謂正見不得現在亦不度世正見斷現世法亦及度世不想現度除一切想不得等邪等諸不等斷諸等行是名度世乃曰正見如是一切悉無所生故曰正見見所真諦正見無邪是曰正見如是持人菩薩大士所行正見何謂正念如真諦解一切所念皆是邪想及思無爲佛法聖衆所以者何斷一切想所思平等故曰正念以無衆想故曰正念所以者何消一切思名爲察正則無有邪不復懷想乃住正念不得所思離邪正想故曰正念以除諸想等棄衆念捨虛顛倒消想不想等一切念不倚諸念除諸邪想故曰正念何謂

梵全九

梵全九

正語一切言辭皆爲虛妄處在顛倒悉迷惑想見於平等心自念言正斷一切言辭所宣故曰正語言無所湊無去無來所見如是等無有異已逮正語口之所宣皆實至誠故曰正語口言清淨所住之處斷一切教言辭辯棄衆邪便所以者何一切方便皆墮反邪方

何謂正業以住正業皆知一切衆邪之業其一切業不真不諦本無所作所以者何一切諸業無有至竟業悉散故曰正業不於正不於邪不於是不於非無想不想皆度衆業不造正邪等逮諸業無作非作故曰正業皆能等說邪正諸業如真諦解一切諸業亦真

便所在心在結著是曰邪便所以者何一切諸法無真邪便所行方便則不真正其不真正名邪方便無方便矣無究竟無言辭斷諸方便彼無所有棄泥洹想無佛法想知行方便一切方便悉不真正至無方便其以平等則無方便等一切法無有若干無有方便超越方計所有方義則無所計無應不應是正方便方便叵得此之謂也所言方便是謂定意斷諸方便謂衆真諦等見如是不想方便以無所想是正方便何謂正意一切所念皆爲邪想意之所念皆是邪思所以者何一切墮邪彼苦意生皆曰爲邪意無所念所以者

何一切所念從因緣立所曰因緣皆曰邪矣其意所念不起不滅是曰正念所以名正念若無意念住發起業不意無意意第一淨無邪意念皆斷衆思其以邪者悉無意念是住正意其正意者不正不邪正念邪念除一切意諸念思想所曉了者心不起亂常行六事

日住正意意曾未生有意未意想解一切意皆了諸意暢如真諦不復思念有意無意應與不應是住正意無意無邪念于等行無念不念無因無思無所惟念一切無望速致無言無意不意住思平等無言無說棄一切辭解如真諦普無宣教無思無想是乃名曰住于平等何謂正定見一切定皆爲邪定所以者何若受三昧因緣之想望正著除斯皆邪定所謂取反此定不真若於諸受而無所受又不懷求三昧定想無出寂教無念定意其無所何無作無暢消斷喜悅永謐安樂分別定想於三昧定而無所住是乃名曰正定三昧所謂正定於一切定而無所著則無放逸明了如慧曉達定意不倚定行而無希念等消正行以如是者無想不想無想乃曰正定無正無邪一切無望以斷諸想並滅衆希乃曰正定所云定者無正邪定心無所生不正無邪無正定無邪定所以者何以普覺

解方便諸定乃住正定無三昧想不積平等
普曰一切乃曰正定其不馳騁不造等逸若
等若邪普等諸法一切定意以存正受一切
三界皆是有爲所思真諦以慧觀見一切五
趣往來所生佛言持人如是菩薩曉了道義
以逮如斯剖判道趣若斯聖業解暢真諦乃

曰正定

持人菩薩所問經卷第三

方三

創古文瑕玼上胡家反廁初使反筋音瘞瘞音譏
詣上朱反彷音力彆內上同前下戢阻立麌攘
俱猛反胡反愚駢語解上謐音審也駢驛領反
之鬼

沈茂敬書

持人菩薩所問經卷第四

方四

西晉二藏法師竺法護譯

世俗度世品第九

佛告持人菩薩何謂菩薩得曉了知現世度
世經典之要云何名曰現世度世若有菩薩
常順思惟現世度世云何順思何謂現世法

何謂度世法若有住於顛倒法行皆從想有
由因緣生合於虛妄有二緣立從二想生一
從虛妄二從無生其虛妄語欺迷惑法得愚
冥相猶如小兒執若干種畫於虛空虛妄經
行愚冥凡夫想云有世計其世俗皆歸壞敗
糜散悉盡以見一切世俗諸法從虛欺惑所
因無作本無所生陰種諸入皆從緣對色聲
香味觸由因緣法不說色緣猶愚凡夫心有
所倚所以諸見因無數見而有倚著若被種
性施存窮匱令世間見處在顛倒所覩世法
度世在彼爲何所是世俗之法真諦如有達
其本淨是爲度世明不求世了不可得度世
亦然若不能得現世度世亦無現世及度世
業宣其度世現世本淨何謂宣布度世之業
若世本淨至于度世所以者何永不可得現
世本淨空寂然其世亦然本以自然世本
淨寂以世自然世淨寂然計世俗法無究竟
成當作是觀現世度世悉不可得不得度世